

1673.

Օրհնեալ ես հարս Աստուածորդւոյ, Բարուն զօրաց զքեզ փոխադրեալ,
Նըմին վիմի Հոգոյ Սրբոյ. Ի պըսակել այսմ աշխարհէ:
Ուրախութեամբ մեզ հիմն արկեալ. Որք ցնծութեամբ ապաւինին՝
Փառք տաճարիս Լեւա եղեալ. Սուրբ Կոյս, օգնեա նոցին:

Նկց (նկարեցաւ) ի ԹՎ. ՌՃԻԲ, օգոստոս ամս. Ժէ: (ի Լեւպերկ, ի վերայ Թիֆլիսեայ պատկերի Տիրամօր. տողագրուիք գրուածին կապեն Օնոփրիոս):

1673.

Գրեցաւ և կատարեցաւ ժամադիրքս ԹՎ. ՌՃԻԱին, ձեռամբ յոգնած մեզ փցուն գրչի.. Գրիգորի. որ միայն անուամբս եմ և հեռի ի ճշմարտութենէն... Սկիզբն կալայ գրել Դաւթեան երգն և զԺամադիրքն և զՏօնացոյցն և զՇարականքն՝ մինչև ի Աղուհացն վեցերորդ կիրակին, « Որ զերկրորդ քո գալստեանդ » և այլն. ի տղայքն աշակերտքն գրեալ են. և խընդրեմք անմեղադիր լերուք. ոչ թէ ծախսի էր գրեալ, այլ յիշատակ որդոյս Միքայէլին՝ դեռարոյս մանուկին, որ եօթն տարւոյ և երկու ամսոց էր, Մինաս արքեպիսկոպոս ձեռնադրեց դպիր: Ով որ չունի իշխանութիւն ուրիշ որդիքոցմոս, որ դորա ձեռանէ առնուն, այլ դորա լինի յիշատակ և վայելէ անսասան կենօք. ամէն: Որպէս գսկիզբն սկսայ գրել, նոյնպէս և վերջն կատարեցի:.. Կատարեցաւ ԹՎ. ՌՃԻԱին, ապրիլ ամսոյ երեքին, օրն մեծ չորեքշաբաթի մատնութեանն Քրիստոսի Աստուծոյ մերոյ, որ է օրհնեալ յաւիտեանս. ամէն:

ԹՎին ՌՃԻԹ (1631) յունվար ամսոյ ԻԸ, կազմեցաւ ձեռամբ անարժան Առստագէս երիցու, ի նորաչէն քաղաքն Սդանիսլաւ, ի վայելումն սիրելի եղբօրն իմ և իւր զաւակացն, որ են՝ Տէր Գրիգոր ընտիր և պատուելի քահանայն. Տէր Աստուած բարով վայելել տացէ իւրն և իւր զաւակացն ընդ երկայն աւուրս: Աղաչեմ զձեզ մի մոռանայք մէկ Հայրմերիւ.. ամէն: [Մըխիթար. Վիենայ]:

1676.

Սրբազան դասք երջանիկ վարդապետաց, արհի և պանծալի եպիսկոպոսաց, մեղսաքաւիչ և իմաստուն երիցանց, յիշեցէք ի մաքրափայլ աղօթս ձեր զպանդըխտացեալ և տառապեալ մեղսամածեալ՝ անուամբ և եթ Մինաս բանի սպասաւոր, երկրին Պուղտանա առաջնորդ. որ զգիրքս գտի Եաշ քաղաքն, կտրատեալ ի յայլազգեաց, և առի յիս, և զպակասն գրեցի ձեռօք իմովք, առ ի յիշատակ անձին իմոյ և ծնողաց իմոց, Թօխաթցի Տէր Ալեքսիանոսին, և մօրն իմոյ իրիցկին Խասխաթունին. միով ողորմի ասէք և յիշեցէք. զի